



Vita de ploania y de paisc

- **I ministri dla Santa Comegnun** é enviés ala formaziun **“Partí fora la comuniun tla santa messa”** con signor Ulrich Fistill **en lónesc ai 15 de november**, dales 19:00 ales 21:30 tal Istitut Ladin a San Martin.
- **Le Cor d’La Pli** envieia der bel ala **“Devoziun a Crist Re dl’Univers y en onú de Santa Zezilia”** en domegna ai 21 de november ales 14:00.
- **Uniun dai Ei, Uniun dles Eres:** sòn na plata a pert ciafeise le resultat dla lita dai conseis nòs co é stada en domegna ai 7 de november.
- **La Uniun dles Eres** arjigna eniann endò **gherlandes d’advent** co gnará benedides la domegna **ai 28 de november** y dedò vonüdes por n fin de ben.
- **La Uniun dles Eres** envieia dotes les fomenes y eres sora 35 agn a na ciastegnada, en sabeda **ai 20 de november** ales 20:00 tla ostarìa Gran Ciasa. Preitambel se prenoté cina en dedemesaledema ai 17 de november pa Veronica, ☎ 348 6926843 o pa Anna, ☎ 333 6196141. Al va debojügn da avei le **green-pass**.
- **La Joneza** organiseia adöm ala Joneza da paur na ciastegnada, en sabeda ai 27 de november ales 20:00 jö Sotrú. Al é da paié 15,00 € a ce al’entrada por le mangé y le bere. Da se prenoté él anter i 21 de november pa Hannes, ☎ 377 9494772. S’la confortun da s’odei en trec! Al va debojügn da avei le **green-pass**.
- **Jí en Jênn:** Le massá de Jênn Lois Taibon lascia alessi che la Prozesziun de Jenn, che an n’á nia sciafié da fá eniann, gnará tignida ai **02, 03 y 04 de jügn 2022**.



Enformaziuns y terminis

La Spona: la strotóra sozìala “La Spona” chir en/na pedagog/a sozìal/a (Sozialpädagog) tles abitaziuns (domisdé) al 50%. Preitambel cherdé sò ☎ 0471 843060.

La Lista Düc Adöm envieia dōta la comunité dal Comune de Mareo, ala sontada generala en dedemesaledema, ai 17 de november ales 20:15 tal salf dla Raiffeisen a Al Plan. Al gnará porté dant ci co é sté te cōsc ann y co ch’an mina da jí ennant tal dagní. Al i gnará ince de lerch a domandes y propostes. Por tó pert òl ester le **green-pass**.

L Museum Ladin Ciastel de Tor chir n colaboradú scientifich, na colaboradessa scientifica a tomp parzial con alplü 24 ores al’edema. Le contrat é a tomp determiné por 11 mensc con la poscibilité de gní renové. Requisic damanés é diplom academich de almanco 3 agn, esperionza te atri contesc museai, der bona conoscionza dai lingac todesch, ladin y talian y bona conoscionza dal inglesc, de bones capacités de organizaziun. Ciamps de laur: svilupé, elaboré y meter en pratica percursc acompagnés y organisé ativités de intermediaziun y evenc por desfaronc grups target, colaboraziun tles mostres temporanes, publich relations, assistenza pa i proiec de enrescida, ativité aministrativa. Por enformaziuns plü monüdes scrí a info@landesmuseen.it. Mené les domandes con curriculum vitae **anter i 22.11.2021** a info@landesmuseen.it

Döt le bun a: Emilia Feichter Pitscheider, *Badia* * 14.11.1941
y a düc chi co á santennom y complesc i agn cōst’edema

Impressum: Ploania d’La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

14.11.2021 - 33. domegna ia por l’ann

n. 51

Ciaré con fidonza tal dagní

📖 Dan 12, 1–3 | Ebr 10, 11–14.18 | Mc 13, 24–32

Dal Vangelo do San Merch:

Te chel tomp ti á Gejú dit a sù discepui: ²⁴En chi dis, do la gran tribulaziun, s’ascürará sore dl y la lõna ne lominará nia plü; ²⁵les steres tomará dal ci, y les forzes dal ci gnará scassades decá. ²⁶Spo odarán le Fi dal Om gnenn sòn i nî con gran potenza y gloria. ²⁷Y al orciará fora i angeli y condüjará adöm chi ch’al á prelité da dotes cater les direziuns dal ont, dal’estremité dla tera cina al’estremité dal ci. ²⁸Emparede val’ dal confrunt con le len da fighi! Pornanche söes rames ven sostanzioses y fej feia, seise che l’isté é dampró. ²⁹Avisa ensciö desses os conesce, canch’i odeis ch’al sozed dotes cōstes cosses, che la fin é dan porta. ³⁰Amen, i ves diji: Cōsta generaziun ne passará nia cina che döt cōsc ne sozed. ³¹Ci y tera passará, mo mies parores ne passará nia. ³²Mo chel de y che ora ne conesc degügn, gnanca i angeli tal ci, y gnanca le Fi, ma le Pere.

I ponsun do: *La noela dal de dal iudize n’ é nia ma na manaciada, mo ince en segno de speranza. Deache “iudize” o dí che Chel Bel Dio ven a desdrü le mal y le cröde sòn cōsc monn. I fiós dal len da fighi encünda le meterman dal isté. Ensciö encünda les operes de Gejú le meterman d’en monn nō olach’al regneia la bunté. Ince te val’ avenimont de nosta víta y d’aldedancö podunse odei fora l’opera dal Spirit de Dio.*

I periun: *Dio onipotent, fá ch’i capiunse i segns dai tomps y ch’i conesciunse ince aldedancö l’opera de to Spirit. Scinchesse la forza da ciaré tal dagní con speranza y creta. Por Crist, nosc Signur.*

Vesco Wilhelm Egger “Sonntagsbibel”

📖 *Letöres dla gran festa de crist Re:*

Dan 7, 2a.13b–14 | Rev 1, 5b–8 | Jan 18, 33b–37



Edema liturgica dai 14.11. ai 21.11.2021

DOM 14.	33. domegna ia por l'ann De mondial dla poerté domegna dla Caritas	<i>Alberich, Veneranda</i>
08:30	gran messa por dōta la ploania s.m. por les families dal Tomele da Rara → oferta por la Caritas	
10:00	<i>s.m. a Al Plan</i>	
Lön 15.	<i>Albert le Gran, Leopold, Artur, Ilona</i>	
18:00	<i>s.m. a Al Plan</i>	
Ded 16.	<i>Margareta, Otmar, Edmund</i>	
07:30	s.m. por † Maria Rigo ved. Bergmeister, Rara/Weitental s.m. por vis y †† dla familia Pedevilla, Soröa s.m. por vis y †† dla fam. Sulzenbacher, Valsperch	
Dem 17.	<i>Florinus da Matsch, Gertrud da Helfta, Hilda, Victoria</i>	
Jöb 18.	<i>Segra dles basiliches de San Pire y San Paul, Roman</i>	
19:30	s.m. por les families de Hubert y Maria Feichter s.m. por † Jep Konrater, Biei s.m. por vis y †† dla fam. Niederegger, Valsperch	
Ven 19.	<i>Elisabet da Thüringen, Metilde</i>	
→ 19:30	oraziun da Taizé	
Sab 20.	<i>Sabeda de Santa Maria Bernward, Korbinian, Edmund</i>	
07:30	s.m. de rengraziamont por la fam. Adolf y Berta Feichter, Cramer s.m. en onú de Santa Maria por la sanité	
18:00	<i>s.m. prefestia a Al Plan</i>	
DOM 21.	GRAN FESTA DE CRIST RE -ultima domegna dal ann liturgich Festa de Santa Zezilia Santa Maria da Ierusalem, Jan	
08:30	gran messa por dōta la ploania y por i Ciantadús oferta por la ploania s.m. d'aniversar por † Jep Rovara, Plans s.m. por † Vittoria Erlacher ved. Trebo, Blaje	
→ 14:00	devoziun a Crist Re dl'Univers y en onú de Santa Zezilia	
10:00	<i>s.m. a Al Plan</i>	
<i>ampola:</i>	por †† da Parü	
<i>ministronc:</i>	• dedolönesc y sabeda: Sofia y Alex • jöbia y domegna: Valentina y Natalie	
<i>i recordun:</i>	Otto Paul Erlacher, <i>Bornech</i> † 15.11.2017 Fonso Rovara † 16.11.2011 Signor Martin (Raimund) Mühlmann, <i>Wangen</i> † 16.11.2012 Heinrich Daporta, <i>Graz</i> † 17.11.2015 Erlinda Maria Rubatscher † 19.11.2016	



Not ist näher als du denkst - Alle haben ein Recht auf Wohnen

Jeder Mensch braucht einen Ort zum Wohnen, genauso wie Essen und Kleidung. Doch nicht alle können sich ein eigenes Zuhause leisten. Wo aber sollen sie hin? Die Straße ist unsicher, macht krank und fragil. Nur das eigene Zuhause bietet Schutz und Geborgenheit, ist Voraussetzung für eine Arbeitsstelle (Meldeadresse), die Gründung einer Familie und vieles andere mehr. Wohnen ist ein Grundrecht, das aber immer mehr Menschen verwehrt wird. Zu teure Mieten, widrige Lebensumstände, Trennungen, zu niedrige Löhne, alles Gründe für die Wohnungsnot, die auch in Südtirol größer wird. Die Caritas hilft Menschen in Not, ein Zuhause zu finden. Bitte helfen auch Sie uns dabei! Infos: www.caritas.bz.it



Consei de ploania 2021-2026

Tla sontada constituenta dai 2 de november él gnü lité/partí sö cöstes ensciaries:

Consei de ploania

president: Jan Agreiter
vize-presidenta: Veronica Ellecosta Peslalz
scrivana: Heidi Pescollderungg Ellecosta

Team pastoral

president: Jan Agreiter
Liturgia: Brigitte Pezzei Kastlunger
Heidi Pescollderungg Ellecosta
Encündaziun: Franz Rigo
Roman Frontull
Caritas: Markus Fischnaller
Tresele Palfrader Willeit
Aministraziun: Lois Taibon
Alfons Facchini
Gebhard Peslalz
Veronica Ellecosta Peslalz

Rapresentanc tal consei dles ploanies dl'Unité pastorala

Franz Rigo
Heidi Pescollderungg Ellecosta

La proscima sontada ven tignida **en jöbia, ai 18 de november**, do messa con cösc ordin dal de: onoranza por Berto Kastlunger, mone da Pliscia – Advent – Nadé – Trei Resc – messa dla sabeda – deponje la dljia da Curt.

Funziuns dla domegna: al ven lascé alessi che chi co ne ciafa nia plü lerch te dljia á, dai 21 de november enant, la poscibilité da festejé empara les funziuns dles domegnes y dles festes **te Ciasa dles Uniuns** olá che ares sará da odei sön le linzó da proieziun. Al gnará ince partí fora danló la Comegnun. Al ven recordé che te Ciasa dles Uniuns ôl ester le **green-pass**.